

四庫全書

集部

欽定四庫全書

古詩紀卷三十二

明 馮惟訥 撰

晉第二

傅玄

字休奕北地泥陽人博學善屬文舉秀才晉王時為常侍及受禪進爵為子武帝初置諫官以

玄為之遷侍中轉司隸校尉免官卒於家追封清惠侯謚曰剛

短歌行

長安高城層樓亭亭干雲四起上貫天庭蜉蝣何整行  
如軍征蟋蟀何感中夜哀鳴蚍蜉愉樂粲粲其榮寤寐

念之誰知我情昔君視我如掌中珠何意一朝棄我溝  
渠昔君與我如影如形何意一去心如流星昔君與我  
兩心相結何意今日忽然兩絕

秋胡行

秋胡子娶婦三日會行仕宦既享顯爵保茲德音以祿

顧親韞此

一作比

黃金覩一好婦採桑路旁遂下黃金誘

以逢卿玉磨逾潔蘭動彌馨源流潔清水無濁波奈何  
秋胡中道懷邪美此節婦高行魏哉哀哉可愍自投長

河

惟漢行

危哉鴻門會沛公幾不還輕裝入人軍投身湯火間兩  
雄不俱立亞父見此權項莊奮劍起白刃何翩翩伯身  
雖為救事促不及旋張良惛坐側高祖變龍顏賴得樊  
將軍虎叱項王前瞋目駭三軍磨牙咀豚肩空卮讓霸  
主臨惡吐奇言威凌萬乘主指顧回泰山神龍困鼎鑊  
非噲豈得全狗屠登上將功業信不原健兒實可慕腐

儒安足歎

豔歌行

日出東南隅照我秦氏樓秦氏有好女自字為羅敷首  
戴金翠飾耳綴明月珠白素為下裾丹霞為上襦一顧  
傾朝市再顧國為虛問女居安在堂在城南居青樓臨  
大巷幽門結重樞使君自南來駟馬立踟躕遣吏謝賢  
女豈可同行車斯女長跪對使君言何殊使君自有婦  
賤妾有鄙夫天地正厥位願君改其圖

長歌行

利害同根源賞下有甘鈎義門近關塘獸口出通侯撫  
劔安所趨蠻方未順流蜀賊阻石城吳寇馮龍舟二軍  
多壯士聞賊如見讎投身効知己徒生心所羞鷹隼厲  
天翼恥與燕雀遊成敗在縱者無令鷙鳥憂

豫章行苦相篇

苦相身為女卑陋難再陳男兒當門戶墮地自生神雄  
心志四海萬里望風塵女育無欣愛不為家所珍長大

逃深室藏頭羞見人垂淚適他鄉忽如雨絕雲低頭和

顏色素齒一作頰結朱唇跪拜無復數婢妾如嚴賓情合

同雲漢葵藿仰陽春心乖甚水火百惡集其身玉顏隨  
年變丈夫多好新昔為形與影今為胡與秦胡秦時相  
見一絕喻參辰

和秋胡行

一云和班氏詩

秋胡納令室三日宦他鄉皎皎潔婦姿冷冷守空房燕  
婉不終夕別如參與商憂來猶四海易感難可防人言

生曰短愁者苦夜長百草揚春華攘腕探柔桑素手尋  
繁枝落葉不盈筐羅衣翳玉體回目流采章君子倦仕  
歸車馬如龍驤精誠馳萬里既至一作去兩相忘行人悅  
令顏借息此樹傍誘以逢卿喻遂下黃金裝烈烈貞女  
忿言辭厲秋霜長驅及居室奉金升北堂母立呼婦來  
歡情樂未央秋胡見此婦惕然懷探湯負心豈不慙永  
誓非所望清濁必異源鳬鳳不並翔引身赴長流果哉  
潔婦腸彼夫既不淑此婦亦太剛



飲馬長城窟行

一作青青  
河邊草篇

青青河邊草悠悠萬里道草生在春時遠道還有期春  
至草不生期一作盡歎無聲感物懷思心夢想發中情

夢君如鴛鴦比翼雲間翔既覺寂無見曠如參與商夢  
君結同心比翼遊北林既覺寂無見曠如商與參河洛  
自用固不如中岳安回流不及返浮雲往自還悲風動  
思悠悠誰知者懸景無停居忽如馳駟馬傾耳懷音  
響轉目淚雙墮生存無會期要君黃泉下

## 放歌行

靈龜有枯甲神龍有腐鱗人無千歲壽存質空相因朝  
露尚移景促哉水上塵丘塚如履綦不識故與新高樹  
來悲風松柏垂威神曠野何蕭條顧望無生人但見狐  
狸迹虎豹自成羣孤雛攀樹鳴離鳥何繽紛愁子多哀  
心塞耳不忍聞長嘯淚雨下太息氣成雲

## 豔歌行有女篇

有女懷芬芳媿媿步東廂蛾眉分翠羽明目

一作  
眸發清

揚丹唇翳皓齒秀色若珪璋巧笑露懽靨衆媚不可詳  
令儀希世出無乃古毛嬙頭安金步搖耳繫明月璫珠  
環約素腕翠羽垂鮮光文袍綴藻黼玉體映羅裳容華  
既已豔志節擬秋霜微樂府作微音冠青雲聲響流四方妙  
哉美媛德宜配侯與王靈應萬世合日月時相望媒氏  
陳東帛羔鴈鳴前堂百兩盈中路起若鸞鳳翔凡夫徒  
踴躍望絕殊參商

牆上難為趨

古今樂錄曰王僧虔技錄云牆上難  
為趨行荀錄所載牆上一篇今不傳

門有車馬客驂服若騰飛華組結玉佩繁藻紛葳蕤馮  
軾垂長纓顧盼有餘輝貧主屣弊履整此藍縷衣客曰  
嘉病乎正色意無疑吐言若覆水搖舌不可追渭濱漁  
釣翁乃為周所諂顏回處陋巷大聖稱庶幾苟富不知  
度千駟賤采薇季孫由儉顯管仲病三歸夫差耽淫侈  
終為越所圍遺身外榮利然後享巍巍迷者一何衆孔  
難知德希甚美致憔悴不如豚豕肥楊朱泣路岐失道

令人悲子貢欲自矜原憲知其非屈伸各異勢窮達不同資夫唯體中庸先天天不違

怨歌行朝時篇

昭昭朝時日皎皎晨

樂府作最

明月十五入君門一別終華

髮同心忽異離曠如

一作若

胡與越胡越有會時參辰遼

且濶形影雖髣髴音聲寂無達纖絃感促柱觸之哀聲

發情思如循環憂來不可遏塗山有餘恨詩人詠采芣

蜻蛚吟牀下回風起幽閨春榮隨路落芙蓉生木末自

傷命不遇良辰永乖別已爾可奈何譬如紈素裂孤雌  
翔故巢星流光景絕魂神馳萬里甘心要同穴

秋蘭篇

秋蘭蔭玉池池水清且芳芙蓉隨風發中有雙鴛鴦雙  
魚自踴躍兩鳥時迴翔君其一作期歷九秋與妾同衣裳

明月篇

藝文作怨詩  
一作朗月篇

皎皎明月光灼灼朝日暉昔為春蠶絲今為秋女衣丹  
唇列素齒翠彩發蛾眉嬌子多好言歡合易為安玉顏

盛有時秀色隨年衰常恐新間舊變故興細微浮萍本  
無根一作浮萍無根本非水將何依憂喜更相接樂極還自悲

前有一罇酒行

置酒結此會主人起行觴玉罇兩楹間絲理東西廂舞  
袖一何妙變化窮萬方賓主齊德量欣欣樂未央同享  
千年壽朋來會此堂

何當行

同聲自相應同心自相知外合不由中雖固終必離管

鮑不世出結交安可為

却東西門行

樂府不載見初學記  
以下三首文疑闕

和樂唯有舞運體不失機退似前龍婉進如翔鸞飛回  
目流神光傾亞有餘姿

美女篇

美人一何麗顏若芙蓉花一顧亂人國再顧亂人家未  
亂猶可奈何

飛塵篇



飛塵穢清流朝雲蔽日光秋蘭豈不芬鮑肆亂其芳河  
決潰金堤一手不能障

董逃行歷九秋篇十二首

六言 玉臺新詠以前十首作梁簡文帝

今從樂府併為玄詩選詩拾遺曰樂錄云傳玄作據文選注引之以為漢古辭也

歷九秋兮三春遺貴客兮遠賓顧多君心所親乃命妙  
伎才人炳若日月星辰

序金罍兮玉觴賓主逶起鴈行杯若飛電絕光交觴接  
卮結裳慷慨歡笑萬方

奏新詩兮夫君爛然虎變龍文  
渾如天地未分齊謳楚舞  
紛紛歌聲上激青雲

窮八音兮異倫奇聲靡靡  
每新微披素齒丹唇逸響飛  
薄梁塵精爽眇眇入神

坐咸醉兮沾歡引樽促席臨軒  
進爵獻壽翻翻千秋要  
君一言願愛不移若山

君恩愛兮不竭譬若朝日夕月  
此景萬里不絕長保初  
醺髮結何憂坐成胡越

攜弱手兮金環上遊飛閣雲間穆若駕鳳雙鸞還幸蘭  
芳自安娛心樂意難原

樂既極兮多懷盛時忽逝若頽寒暑華御景迴榮華隨  
風飄摧感物動心增哀

妾受命兮孤虛男兒墮地稱珠女弱雖存若無骨肉至  
親更疏奉事他人託軀

君如影兮隨形賤妾如水浮萍明月不能常盈誰能無  
根保榮良時冉冉代征

顧繡領兮含暉皎日迴光則微朱華忽爾一作是漸哀影

欲舍形高飛誰言往思可追

薺與麥兮夏零蘭桂踐霜逾馨祿命懸天難明妾心結

意丹青何憂君心中傾

選詩拾遺曰此篇髣髴懽感如  
在目前經緯情感若探表曲宮

商魯疊綺繪斐疊其言有文焉其聲有永焉惜不知何  
人之詞非相如枚乘其誰能為之走僵李杜不能及矣  
嗚呼美矣盡矣麗矣則矣當為百世六言之祖也訥按  
此辭本題曰董逃行歷九秋篇董逃行起於漢末不得  
謂相如枚乘為之也觀其辭  
體不類二京當以樂錄為正

吳楚歌

七言 一曰  
燕人美篇

燕人美兮趙女佳其室則邇兮限層崖雲為車兮風為馬玉在山兮蘭在野雲無期兮風有止思多端兮誰能

理

一作思心多端誰能理

### 鴻鴈生塞北行

魏武帝却東西門行曰鴻鴈生塞北乃在無人鄉

鳳凰遠生海西及時崑山岡五德存羽儀和鳴定宮商百鳥竝侍左右鼓翼騰華光上熙遊雲日間千歲時來翔孰若彼龍與龜曳尾泥中藏非雲雨則不升冬伏春

迺驤退哀此秋蘭草根絕隨化揚靈氣一何憂美萬里  
馳芬芳常恐物微易歇一朝見弃忘

### 白楊行

古今樂錄曰王僧虔技  
錄有白楊行今不歌

青雲固非青當雲奈白雲驥從西北馳來吾何憶驥來  
對我悲鳴舉頭氣凌青雲當奈此驥正龍形踠足蹉跎  
長坡下蹇驢慷慨敢與我爭馳躑躅鹽車之中流汗兩  
耳盡下垂雖懷千里之逸志當時一得施白雲影影舍

我高翔青雲徘徊戢我愁啼上眇增崖下臨清池日欲  
西移既來歸君君不一顧仰天太息當用生為青雲乎  
飛時悲當奈何耶青雲飛乎

秦女休行

龐

一作秦

氏有烈婦義聲馳雍涼父母家有重怨仇人暴

且彊雖有男兄弟志弱不能當烈女念此痛丹心為寸  
傷外若無意者內潛思無方白日入都市怨家如平常  
匿劍藏白刃一奮尋身僵身首為之異處仗尸列肆旁

肉與土合成泥灑血濺飛梁猛氣上干雲冤仇黨失守  
為披攘一市稱烈義觀者收淚竝慨忼百男何當益不  
如一女良烈女直造縣門云父不幸遭禍殃今仇身以  
分裂雖死情益揚殺人當伏法義不苟沽隲舊章縣令  
解印綬令我傷心不忍聽刑部垂頭塞耳令我吏舉不  
能成烈著希代之績義立無窮之名夫家同受其祚子  
子孫孫咸享其榮今我作歌詠高風激揚壯發悲且清  
雲中白子高行



陵陽子來明意欲作天與仙人遊超登元氣攀日月遂  
造天門將上謁閭闔闔見紫微絳闕紫宮崔嵬高殿差我  
雙闕萬丈玉樹羅童女掣電策童男挽雷車雲漢隨天  
流浩浩如江河因王長公謁上皇釣天樂作不可詳龍  
仙神仙教我靈祕八風子儀與遊我祥我心何戚戚思  
故鄉俯看故鄉二儀設張樂哉二儀日月運移地東南  
傾天西北馳鶴五氣所補鰲四足所支齊駕飛龍驂赤  
螭逍遙五岳間東西馳長一作期與天地並復何為復何

為

西長安行

所思兮何在乃在西長安何用存問妾香橙雙珠環何  
用重存問羽爵翠琅玕今我兮聞君更有兮異心香亦  
不可燒環亦不可沈香燒日有歇環沈日自深

車遥遥篇

樂府作車  
轂梁人

車遥遥兮馬洋洋追思君兮不可忘君安遊兮西入秦  
願為影兮隨君身君在陰兮影不見君依光兮妾所願

昔思君

昔君與我方形影潛結今君與我方雲飛雨絕昔君與  
我方音響相和今君與我方落葉去柯昔君與我方金  
石無虧今君與我方星滅光離

答程曉詩

四言 休奕諸詩文句多闕不能盡  
析姑從類次之其不成章者列于卷

末

奕奕兩儀昭昭太陽四氣代升三朝受祥濟濟羣后我  
我聖皇元服肇御配天垂光伊周作弼王室惟康顯顯

兆民蠢蠢戎羶率土充庭萬國奉蕃皇澤雲行神化風  
宣六合咸熙遐邇同歡赫赫明天人合和下罔遺滯  
焦朽斯華矧我良朋如玉之嘉穆穆雖興頌作歌

宴會詩

日之既逝情亦既渥賓委餘歡主客不足樂飲今夕溫  
其如玉

芙蕖

煌煌芙蕖從風芬葩照以皎日灌以清波陰結其實陽

發其華金房綠葉素株翠柯

雜詩三首

以下  
五言

志士惜日短愁人知夜長攝衣步前庭仰觀南鴈翔玄  
景隨形運流響歸空房清風何飄颻微月出西方繁星

衣

一作  
依

青天列宿自成行蟬鳴高樹間野鳥號東廂纖

雲時髣髴渥露沾我裳良時無停景北斗忽低昂常恐  
寒節至凝氣結為霜落葉隨風摧一絕如流光

閒夜微風起明月照高臺清響呼不應玄景招不來厨

人進藿茹有酒不盈杯  
安貧福所與富貴為禍媒  
金玉雖高堂於我賤蒿萊

鵲巢丘城側雀乳空井  
中居不附龍鳳常畏蛇與蟲  
依賢義不恐近暴自當窮

又答程曉

羲和運玉衡招搖賦朔旬  
嘉慶形三朝美德揚初春聖  
主加元服萬國望威神  
伊周數玄化並世霑天人  
洪崖歌山岫許由嗟水濱

宴詩

鸞鳥睇鳳皇望舒繼白日千秋邁嘉會來升君子室華  
樽享清醑琬肴自盈溢

天行篇

天行一何健日月無停蹤百川皆赴海

藝文作  
赴陽谷

三辰回

泰蒙

日昇歌

東光昇朝陽義和初攬轡六龍竝騰驤逸景何晃晃旭

日照萬方皇德配天地神明鑒幽荒

三光篇

初學作  
劉孝綽

三光垂象表天地有晷度聲和音響應形立影自附素  
日抱玄鳥明月懷靈兔

衆星詩

朗月共衆星日出擅其明冬寒地為裂春和草木榮陽  
德雖普濟非陰亦不成

苦雨



徂暑未一旬重陽翳朝霞厥初月離畢積日遂滂沱屯  
雲結不解長溜周四阿霖雨如倒井黃潦起洪波湍深  
激墻隅門庭若決河炊爨不復舉竈中生蛙蝦

苦熱

藝文  
熱部

朱明運將極溽暑晝夜興裁動四支廢舉身若山陵珠  
汗洽玉體呼吸氣鬱蒸塵垢自成泥素粉隨手凝

古詩

東方大明星光景照千里少年舍家遊思心晝夜起

擬四愁詩四首

并序 以下七言

張平子作四愁詩體小而俗七言類也聊擬而作之名曰擬四愁詩

我所思兮在瀛洲願為雙鵲戲中流牽牛織女期在秋  
山高水深路無由慙余不遘嬰殷憂佳人貽我明月珠  
何以要之比目魚海廣無舟悵勞劬寄言飛龍天馬駒  
風氣雲披飛龍逝驚波滔天馬不厲何為多念心憂池  
我所思兮在珠嵯願為比翼浮清池劉柔合德配二儀

形影一絕長別離  
慙余不邁情如攜  
佳人貽我蘭蕙草  
何以要之同心鳥  
火熱水深憂盈抱  
申以琬琰夜光寶  
卞和既沒玉不察  
存若流光忽電滅  
何為多念獨鬱結  
我所思兮在崑山  
願為鹿麇一作蛩  
閱虞淵日月迴  
曜照景天參辰曠  
隔會無緣慙余不邁  
惟百艱佳人貽我蘇  
合香何以要之翠鴛鴦  
懸度弱水川無梁  
申以錦衣文繡裳  
三光騁邁景不留  
鮮似民生忽如浮  
何為多念祇

自愁

我所思兮在朔方願為飛燕俱南翔煥乎人道著三光  
胡越殊心生異鄉慙余不邁罹百殃佳人貽我葆羽纓  
何以要之影與形永增憂結繁華零申以日月指明星  
星辰有翳日月移駑馬哀鳴慙不馳何為多念徒自虧

### 兩儀詩

兩儀始分元氣清列宿垂象六位成日月西流景東征  
悠悠萬物殊品名聖人憂代念羣生

一作兩儀始分元氣上清列宿垂象

六位時成日月西邁流景東征悠悠萬物殊品齊名聖人憂世實念羣生

天行歌

雜言

天時泰兮昭以陽清風起兮景雲翔  
仰觀兮辰象日月兮運周俯視兮河海百川兮東流

驚雷歌

驚雷奮兮震萬里威陵宇宙兮動四海六合不維兮誰能理

雜言

一作雷

雷隱隱感妾心傾耳清聽非車音

一無清字

雲歌

白雲翩翩翔天庭  
流景髣髴非君形  
白雲飄飄捨我高  
翔青雲徘徊為我愁腸

蓮歌

渡江南採蓮花  
芙蓉增敷曄若星  
羅綠葉映長波  
迴風容與動纖柯

啄木

啄木高翔鳴喈喈  
飄搖林薄著桑槐  
獾緣樹間啄如錐

嚶嚶嚶聲正悲專為萬物作倡俳當此之時樂不可  
廻

雜歌

鳳有翼龍有鱗君不獨興必須良臣

九曲歌

歲莫景邁羣光絕安得長繩繫白日

歌詞

雷師鳴鐘鼓風伯吹笙簧西母出穴聽王父吟東廂

失題五首

見藝文  
日部

湯谷發清曜九日棲高枝願得竝天御六龍齊玉羈

二

初學  
江部

有女殊代生涉江采菱花上翳青雲景下鑿淥水波

三

藝文  
稍部

驚我繁弱弓弄我丈八稍一舉覆三軍再舉殄戎貊

四語

不韻

四

藝文  
庭燎部



元正始朝享萬國執珪璋枝燈若火樹庭燎繼天光

五

藝文  
松部

飛蓬隨飄起芳草摧山澤世有千年松人生詎能百

傳咸

字長虞玄之子也劉簡有大節風格峻整識性明悟好屬文論雖綺麗不足而言成規鑒潁川

庾純嘗嘆曰長虞之文近乎詩人之作矣襲父爵拜太子洗馬官至司隸校尉

孝經詩 二章

春秋正義曰傳咸七經詩王義之寫然今所存者六經耳

立身行道始於事親上下無怨不惡於人

一作不敢惡人

孝無

終始不離其身三者備矣以臨其民

以孝事君不離令名進思盡忠義則不爭匡救其惡災  
害不生孝悌之至通於神明

論語詩

二章

守死善道磨而不磷直哉史魚可謂大臣見危受命能  
致其身

克己復禮學優則仕富貴在天為仁由己以道事君死  
而後已

毛詩詩 二章

無將大車維塵冥冥濟濟多士文王以寧顯允君子大猷是經

聿修厥德令終有俶勉爾遐思我言維服盜言孔甘其何能淑讒人罔極有覲面目

周易詩

卑以自牧謙尊而光進德修業既有典常暉光日新照于四方小人勿用君子道長

周官詩

二章

惟王建国

一作極

設官分職進賢興功取諸

初學作時文

易直

除其不蠲無敢反側以德詔爵允臻其極

辨其可任以告于正掌其戒禁治其政令各修乃職以

聽王命

左傳詩

前四首藝文類聚各分二章此首藝文不載以例考之亦當爾也

事君之禮敢不盡情敬奉德義樹之風聲昭德塞違不  
殞其名死而利國以為已榮茲心不喪忠而能力不為

利啗古之遺直威黜不端勿使能植

與尚書同僚詩

非望之寵謬加于已猥授非據奄司萬里煌煌朱軒服  
驥驟驟暉暉初星肅肅臣僕暉光顯赫衆目所屬斯之  
弗稱匪榮伊辱質弱尚父受任鷹揚德非樊仲王命是  
將百城或違無能有匡一州之矜將弛其綱得意忘言  
言在意後夫惟神交可以長久我心之孚有盈于缶與  
子偕老豈曰執手出司萬一作百里牧彼朔濱服冕乘軒

六轡既均威風先邁百城肅震

贈褚武良詩

爰暨于褚惟晉之楨肇振鳳翼羽儀上京聿作喉舌納  
言紫庭光贊帝道敷皇之明方任之重實在江揚乃授  
旄鉞宣曜威靈悠悠遐邁東夏于征

贈崔伏二郎詩

英妙之選二生之授顓顓兩城歡德之茂君子所居九  
夷非陋無狹百里而不垂覆人之好我贈我清詩示我

周行心與道期誠發自中義形於辭古人辭諱豈不爾思

答潘尼詩

并序

司州秀才潘正叔識通才高以文學溫雅為博士余性直而處清論褒貶之任作詩以見規雖褒飾之舉非所敢聞而斐粲之辭良可樂也答之雖不足以相訓報所謂盡各言志也

貽我妙文繁春之榮匪榮斯尚乃新其聲吉甫作頌有

馥其馨寔由樊仲其德克明授此瓦礫廁彼瑤瓊貺非  
其喻聞寵若驚

答樂弘詩

并序

安樂令樂弘太傅鉅平侯羊公辟未就而公薨後應  
司州之命舉秀才博文通濟之士余失和於府當換  
為護軍司馬賦詩見贈答之云爾

鉅平作宰是貴是欽弓旌仍招嘉命胥尋鸞鳳養儀戢  
翼幽林未附雅調以和韶音鉅平遐逝厲志彌深肅肅



京司清風裁邁乃延羣彥龍集鳳會亦既斯降萬里有  
賴聲發響應好結傾蓋

贈建平太守李叔龍

弘道興化實在良守悠悠建平皇澤未流朝選於衆乃  
子之授南荆注望心乎克副

贈何劭王濟

并序

朗陵公何敬祖咸之從內兄國子祭酒王武子咸從  
姑之外孫也竝以明德見重於世咸親之重之情猶

同生義則師友何公既登侍中武子俄而亦作二賢  
相得甚歡咸亦慶之然自恨閤劣雖願其繾綣而從  
之末由厯試無效且有家艱心存目替賦詩申懷以  
貽之云爾

日月光太清列宿曜紫微赫赫大晉朝明明闕皇闕吾  
兄既鳳翔王子亦龍飛雙鸞遊蘭渚二離揚清暉攜手  
升玉階竝坐侍丹帷金璫綴惠文煌煌發令姿斯榮非  
攸庶繾綣情所希豈不企高蹤麟趾邈難追臨川靡芳

餌何為守空坻槁葉待風飄逝將與君違違君能無戀  
尸素當言歸歸身蓬華廬樂道以忘饑進則無云補退  
則恤其私但願隆弘美王度日清夷

贈太尉司馬虞顯機

帝崇元淑妙選其屬命子是佐增袞之縟


失題

奕奕恒山作鎮冀方伊趙建國在岳之陽

失題

見初學  
露部

零露漙江海飛塵崇山岳過謬佐台輔安能任鼎餗



古詩紀卷三十二

# 欽定四庫全書

集部

古詩紀卷三十三

詳校官檢討 德生

侍讀 臣孫球覆勘

總校官 知縣 臣楊懋珩

校對官 中書 臣李斯咏

謄錄監生 臣朱坦

欽定四庫全書

古詩紀卷三十三

明 馮惟訥 撰

晉第三

裴秀

字季彥河東聞喜人也。有風操。八歲能著文。大將軍辟為掾。遷黃門侍郎。晉受禪。封鉅鹿公。後

累遷左光祿司空。卒。謚元公。配食宗廟。

大蜡詩

日躔星紀大呂司辰。玄象改次庶衆更新。歲事告成八

蜡報勤。告成伊何。年豐物阜。豐禋孝祀。介茲萬祐。

一作景福

報勤伊何農功是歸穰穰我后矜茲烝黎宣力菑畝沾  
體暴肌飲饗清祀四方來綏充物郊甸鱗集京師交錯  
貿遷紛葩相追摻袂成幕連袵成帷有肉如邱有酒如  
泉有肴如林有貨如山率土同懽和氣來臻祥風叶順  
降祉自天方隅清謚嘉祚日延與民優游享壽萬年

應貞

字吉甫魏侍中璩之子舉高第武帝踐祚遷給事中初置太子中庶子以貞為之後為散騎常

侍

晉武帝華林園集詩

九章



洛陽圖經曰華林園在城內東北隅魏明帝起名  
芳林園齊王芳改為華林干寶晉紀曰泰始四年  
二月上幸芳林園與羣臣宴賦  
詩觀志散騎常侍應貞詩最美

悠悠太上民之厥初皇極肇建彞倫攸敷五德更運膺

籙

晉書作  
應錄

受符陶唐既謝天厯在虞

於時上帝乃顧惟眷光我晉祚應期納禪位以龍飛文  
以虎變玄澤滂流仁風潛扇區內宅心方隅回面

天垂其象地耀其文鳳鳴朝陽龍翔景雲嘉禾重穎莫

莢載芬率土咸序

晉書  
作寧

人胥悅欣

恢恢皇度穆穆聖容言思其順貌思其恭在視斯明在聽斯聰登庸以德明試以功

其恭惟何昧且不顯無理不經無義不踐行捨其華言

去其辯游心至虛同規易簡六府孔修九有斯靖

晉書作來

踐

澤靡不被化罔不加聲教南暨西漸流沙幽人肄

善作肆

險遠國志遐越裳重譯充我

晉書作初

皇家

戔戔列辟赫赫虎臣內和五品外威四賓修

晉書作順

時貢

職入覲天人備言錫命羽蓋朱輪

貽宴好會不常厥數神心所受

晉書作授

不言而喻於是肆

五臣作肆

射弓矢斯御發彼五的有酒斯飫

文武之道厥猷未墜在昔先王射

五臣作躬

御茲器示武懼

荒過亦為失

叶試

凡厥羣后無懈于位

王濬

字士治弘農湖人也初辟河東從事歷益州刺史平吳有功遷鎮軍大將軍封襄陽縣侯

祖道應令

侯誰在矣東宮詵詵曰保曰傳弘道維新前疑協衡顧

問翼輪豈伊張仲專美前津渙乎唐德欽在四隣齊軌  
上葉永垂清塵

賈充

字公閭平陽襄陵人達之子仕魏累遷中郎將後為文帝大將軍司馬武帝受禪封魯郡公轉

尚書令無公方之操專以佞媚取容守正之士咸共疾之轉司空太尉卒贈太宰

與妻李夫人聯句

一云定情聯句

晉書曰充初娶李豐女淑美有才行豐被誅李氏坐流徙復娶郭配女即廣城君後李以赦得還帝特詔充置左右夫人郭怒不許充乃為李築室於永年里而不往來李名婉字淑文郭名槐一云名

璜玉

室中是阿誰歎息聲正悲賈歎息亦何為但恐大義虧

李大義同膠漆匪石心不移賈人誰不慮終日月有合

離李我心子所達子心我所一作知賈若能不食言與

君同所宜李

棗據

字道彥潁川長社人善文辭弱冠辟大將軍府出為山陽令遷尚書郎賈充伐吳請為從事中

郎軍還徙黃門侍郎冀州刺史太子中庶子卒

答阮得猷

友朋顧之貽我良箴玩之無數終詠斯音燕鼎在舟雖

重不沈庶憑嘉謨高跡可尋

遊覽

矯足登雲閣相伴步九華徙倚憑高山仰攀桂樹柯延  
首觀神州廻睛眇曲阿芳林挺修幹一歲再三花何以  
濟不朽噓吸漱朝霞重巖吐神溜傾觴挹涌波恢恢大  
道間人事足為多

雜詩

吳寇未殄滅亂象侵邊疆天子命上宰作蕃于漢陽開

國建元士玉帛聘賢良予非荆山璞謬登和氏場羊質  
服虎文燕翼假鳳翔既懼非所任怨彼南路長千里既  
悠邈路次限關梁僕夫罷遠涉車馬困山岡深谷下無  
底高巖暨穹蒼豐草停滋潤霧露沾衣裳玄林結陰氣  
不風自寒涼顧瞻情感切惻愴心哀傷士生則懸弧有  
事在四方安得恒逍遙端坐守閨房引義割外情內感  
實難忘

失題

見藝文類  
聚鳳部

有鳳適南中終日無歡娛自怨梧桐遠行飛棲桑榆奮  
迅振長翼俛仰向天衢簫韶逝無聞朝陽不可須

杜育

字方叔襄城鄧陵人幼號神童及長美風姿有才藻時人號曰杜聖累遷國子祭酒洛陽將沒

死于難

贈摯仲洽詩

之子于歸言秣其駒矧乃斯人乃邁乃徂雖非顯甫餞  
彼百壺雖非張仲將鱸河魚人亦有言貴在同音雖曰  
翻飛曾未異林顧戀同枝增其慨心望爾不遐無金玉



音

摯虞

字仲洽京兆長安人也才學通博舉賢良  
歷光祿勳太常卿及洛京荒亂以餒卒

答杜育詩

越有杜生既文且哲龍躍潁豫有聲彰澈賴茲三益如  
琢如切好以義結友以文會豈伊在高分定傾蓋其人  
如玉美彼生芻鐘鼓匪樂安用百壺老夫灌灌離羣索  
居懷戀結好心焉悵如

雍州詩

於皇先王經啓九有有州惟雍居京之右土載輿區山

包

一作苞

神藪嘉生惟繁庶類伊阜悠悠州域有華有戎

外接皮服內含岐豐周餘既沒夷德未終莫不慕義易俗移風

劉伶

字伯倫沛國人也肆意放蕩悠焉獨暢武帝泰始初對策盛言無為之化以無用罷竟以壽終

### 北芒客舍詩

泱泱望舒隱黯黯玄夜陰寒鷄思天曙擁翅吹長音蚊蚋歸豐草枯葉散蕭林陳醴發悴顏色歛暢真心緼被

終不曉斯歎信難任何以除斯歎付之與瑟琴長笛響  
中夕聞此消胸襟

束皙

字廣微陽平元城人漢疎廣之後博學多聞性沈退不慕榮利為王戎張華輩所辟用轉著作

郎博士遷尚書郎趙王倫為相請為記室皙辭疾罷歸

### 補亡詩六首

序曰皙與同業疇人肄修鄉飲之禮然所詠之詩或有義無辭音樂取節闕而不備于是遙想既往存思在昔補著其文以綴舊制

南陔

南陔孝子相戒以養也

循彼南陔言采其蘭眷戀庭闈心不遑安彼居之子罔  
或游盤馨爾夕膳潔爾晨食循彼南陔厥草油油彼居  
之子色思其柔眷戀庭闈心不遑留馨爾夕膳潔爾晨  
羞有獮有獮在河之涘凌波赴汨噬魴捕鯉嗷嗷林鳥  
受哺于子養隆敬薄惟禽之似勗增爾虔以介丕祉

白華

白華孝子之潔白也

白華朱萼被於幽薄粲粲門子如磨如錯終晨三省匪

惰其恪白華絳趺在陵之陬

子溝切

萋萋士子湮而不渝

竭誠盡敬亶亶忘劬白華玄足在丘之曲堂堂處子無

營無欲鮮侔晨葩莫之黠

玷同辱

華黍

華黍時和歲豐宜黍稷也

黜黜

徒感切

重雲習習

善作輯

和風黍華陵巔麥秀和中靡

田不播九穀斯豐奕奕玄霄濛濛甘雷黍發稠華未

善作

亦挺其秀靡田不殖九穀斯茂無高不播無下不植芒

芒其稼參參其穞穞我王委亢我民食玉燭陽明顯猷  
翼翼

由庚

由庚萬物得由其道也

蕩蕩夷庚物則由之蠢蠢庶類王亦柔之道之既由化

之既柔木以秋零草以春抽獸在于

善作在

草魚躍順流

四時遞謝八風代扇纖阿案晷星變其躔五緯不愆善作  
逆六氣無易惜惜我王紹文之跡

崇丘

崇丘萬物得極其高大也

瞻彼崇丘其林藹藹音愛植物斯高動類斯大周風既洽

王猷允泰漫漫方輿迴迴洪覆何類不繁何生不茂物

極其性人五臣作民永其壽恢恢大圓茫茫九壤資生仰化

于何不養人無道天物極則長

由儀

由儀萬物之生各得其儀也

肅肅君子由儀率性明明后辟仁以為政魚游清沼鳥

萃平

五臣作于

林濯鱗鼓翼振振其音賓寫爾誠主竭其心

時之和矣何思何脩文化內輯武功外悠

司馬彪

字紹統高陽王睦之長子也少薄行為睦所責不得嗣由是專精學習博覽羣籍泰始中

為秘書郎後拜散騎侍郎惠帝末卒

贈山濤



苦茗倚桐樹寄生於南岳上凌青雲霓下臨千仞谷處  
身孤且危於何託余足昔也植朝陽傾枝俟鸞鷟今者  
絕世用倥偬見迫束班匠不我顧牙曠不我錄焉得成  
琴瑟何由揚妙曲冉冉三光馳逝者一何速中夜不能  
寐撫劒起躑躅感彼孔聖歎哀此年命促卞和潛幽冥  
誰能證奇璞冀願神龍來揚光以見燭

雜詩

百草應節生含氣有深淺秋蓬獨何辜飄飄隨風轉長

飈一飛薄吹我之四遠搔首望故株邈然無由返

何劭

字敬祖陳國陽夏人司空魯之子博學善屬文武帝踐阼以為散騎常侍永康初遷司徒趙王

倫篡位以為太宰永寧元年薨襲封朗陵郡公謚曰康

洛水祖王公應詔

穆穆聖王體此慈仁友于之至通于明神遊宴綢繆情  
慈所親薄云餞之于洛之濱嵩崖巖巖洪流湯湯春風  
動衿歸鴈和鳴我后饗客鼓瑟吹笙舉爵惟別聞樂傷  
情嘉宴既終白日西歸羣司告旋鸞輿整綏我皇重離

頓轡駢臨川永嘆酸涕霑願崇恩感物左右同悲

贈張華

張華答  
詩見前

四時更代謝懸象迭卷舒暮春忽復來和風與節俱俯  
臨清泉涌仰觀嘉木敷周旋我陋圃西瞻廣武廬既貴  
不忘儉處有能存無鎮俗在簡約樹塞馬足羣在昔同  
班司今者並園墟私願偕黃髮逍遙綜琴書舉爵茂陰  
下攜手共躊躇奚用遺形骸忘筌在得魚

遊仙詩

青青陵上松亭亭高山柏光色冬夏茂根柢無彫落吉  
士懷真心悟物思遠託揚志玄雲際流目矚巖石羨昔  
王子喬友道發伊洛迢遞陵峻岳連翩御飛鶴抗跡遺  
萬里豈戀生民樂長懷慕仙類眇然心綿邈

雜詩

秋風乘夕起明月照高樹間房來清氣廣庭發暉素靜  
寂愴然歎惆悵忽選詩  
作出遊顧仰視垣上草俯察階下露  
心虛體自輕飄颻若仙步瞻彼陵上柏想與神人遇道

深難可期精微非所慕勤思終遙夕永言寓情慮

王濟

字武子太原晉陽人渾次子也少有逸才善莊老文詞秀茂有名當世武帝時尚常山公主起

家中書郎至侍中終於太僕

平吳後三月三日華林園詩

蠢爾長蛇荐食江汜我皇神武汎舟萬里迅雷電邁弗  
及掩耳思樂華林薄采其蘭皇居偉則芳園巨觀仁以  
山悅水為智歡清池流爵秘樂通玄脩曷灑鱗大庖妙  
饌物以時序情以化宣終溫且克有肅初筵嘉賓在茲

千祿永年

王浚

字彭祖母趙氏婦良家女也貧賤出入沈家遂生浚沈薨無子浚嗣拜駙馬都尉累轉至中郎

將都督幽州諸軍事因亂結好夷狄擁衆自立懷帝即位增封日以彊盛謀將僭號石勒詐而殺之

從幸洛水餞王公歸國詩

聖主應期運至德敷彝倫神道垂大教玄化被無垠欽  
若崇古制建侯屏四隣皇輿廻羽蓋高會洛水濱臨川  
講妙藝縱酒釣潛鱗八音以迭奏蘭羞備時珍古人亦  
有言為國不患貧與蒙廟庭施幸得厠大鈞羣僚荷恩澤

朱顏感獻春賦詩盡下情至感暢人神長流無舍逝白  
日入西津奉辭慕華輦侍衛路無因馳情繫帷幄乃心  
戀軌塵

李密

字令伯犍為武陽人少仕蜀為郎蜀平徵為太  
子洗馬密以祖母劉氏年高上疏辭召劉終復

以洗馬出為溫  
令遷漢中太守

賜餞東堂詔令賦詩

晉書曰密有才能常望內轉而朝廷無援乃遷漢  
中太守自以失分懷怨及賜餞東堂詔普令賦詩  
末章云云武帝念之於是都官從事奏免密官

人亦有言有因有緣官無中人不如歸田明明在上斯

語豈然

闕

皇甫謐

字士安安定朝那人博綜典籍沈靜寡欲有高尚之志以著述為務自號玄晏先生郡國

舉辟皆不行武帝頻下詔敦逼之謐上表辭太康三年卒

女怨詩

婚禮既定婚禮臨成施衿結帨三命丁寧

闕

古詩紀卷三十三



欽定四庫全書

古詩紀卷三十四

明 馮惟訥 撰

晉第四

陸機

字士衡吳郡人大司馬抗之子也少有奇才領父兵為牙門將吳亡入洛太傅楊駿辟為祭酒

累遷太子洗馬著作郎出補吳王郎中令入為尚書郎趙王倫輔政引為參軍太安初成都王穎等起兵討長沙王乂假機後將軍河北大都督因戰敗績為穎所害○詩品曰陸機詩其源出於陳思才高辭贍舉體華美氣少於公幹文劣於仲宣尚規矩不賁綺錯有傷直致之奇然其咀嚼英華厭飫膏澤文章之淵泉也張公嘆其大才信矣

樂府

短歌行

以下  
四言

置酒高堂悲歌臨觴人壽幾何逝如朝霜時無重至華  
不再揚蘋以春暉蘭以秋芳來日苦短去日苦長今我  
不樂蟋蟀在房樂以會興悲以別章豈曰無感憂為子  
忘我酒既旨我有既臧短歌有詠長夜無荒

秋胡行

道雖一致塗有萬端吉凶紛藹休咎之源人鮮知命命

未易觀生亦何惜功名所歎

隴西行

我靜如鏡民動如烟事以形兆應以象懸豈曰無才世  
鮮興賢

日出東南隅行

或曰羅敷豔歌  
以下五言

扶桑升朝暉照此高臺端高臺多妖麗澹房出清顏淑  
貌耀皎日惠心清且閒美目揚玉澤蛾眉象翠翰鮮膚  
一何潤秀色若可餐窈窕多容儀婉媚巧笑言暮春春

服成粲粲綺與紃金雀垂藻翹瓊佩結瑤璫方駕揚清  
塵濯足洛水瀾藹藹風雲會佳人一何繁南崖充羅幕  
北渚盈軒軒清川含藻景高岸被華丹馥馥芳袖揮泠  
泠纖指彈悲歌吐清響雅舞描幽蘭丹唇含九秋妍迹  
陵七盤赴曲迅驚鴻蹈節如集鷺綺態隨顏變沈姿無  
定一作乏源俯仰紛阿那顧步咸可懽遺芳結飛颺浮景  
暎清湍冶容不足詠春遊良可嘆

挽歌三首

卜擇考休貞嘉命咸在茲夙駕警徒御結轡頓重基龍

輅

一作荒

被廣柳前驅矯輕旗殯宮何嘈嘈哀響沸中闈

中闈且勿謹

五臣作宣

聽我薤露詩歿生各異倫祖載當有

時舍爵兩楹位啓殯進靈輜飲餞觴莫舉出宿歸無期

帷衽曠遺影棟宇與子辭周親咸犇湊友朋自遠來翼

翼飛輕軒駸駸策素騏按轡遵長薄送子長夜臺呼子

子不聞泣子子不知歎息重櫬側念我疇昔時三秋猶

足收萬世安可思殉沒身易亡殺子非所能含言言哽

咽揮涕涕流離

流離親友思惆悵神不泰素驂佇輜軒玄馬騫飛蓋哀  
鳴興殯宮迴遲悲野外魂興寂無響但見冠與帶備物  
象平生長旌誰為旆悲風微五臣作鼓行軌傾雲結流靄振  
策指靈丘駕言從此逝

重阜何崔嵬玄廬竄其間磅礴立四極穹隆放蒼天側  
聽陰溝涌卧觀天井懸壙五臣作廣宵何寥廓大暮安可晨

人往有返歲我行無歸年昔居四民宅今託萬鬼隣昔

為七尺軀今成灰與塵金玉素所佩鴻毛今不振豐肌  
饗螻蟻妍姿一作骸永夷泯壽堂延魑魅虛無自相賓螻  
蟻爾何怨魑魅我何親拊心痛荼毒永歎莫為陳

### 長歌行

逝矣經天日悲哉帶地川寸陰無停晷尺波豈徒旋年  
徃信一作迅勁矢時來亮急絃遠期鮮克及盈數固希全

容華夙夜零體澤坐自捐茲物苟難停吾壽安得延俛  
仰逝將過倏忽幾何間慷慨亦焉訴天道良自然但恨

功名薄竹帛無所宣迨及歲未暮長歌乘我閒

君子行

天道夷且簡人道險而難休咎相乘躡翻覆若波瀾去  
疾苦不遠疑似實生患近火固宜熱履冰豈惡寒掇蜂  
滅天道拾塵惑孔顏逐臣尚何有棄友焉足歎福鍾恒  
有兆禍集非無端天損未易辭人益猶可歡朗鑒豈遠  
假取之在傾冠近情苦自信君子防未然

從軍行



苦哉遠征人飄飄

五臣作飄

第四遐南陟五嶺巔北戍長城

阿深

五臣作谿

谷邈

五臣作深

無底崇山鬱嵯峨奮臂攀喬木振

迹涉流沙隆暑固已慘涼風嚴且苛夏條集

一作焦

鮮藻

寒冰結衝波胡馬如雲屯越旗亦星羅飛鋒無絕影鳴

鏑自相和朝食

一作餐

不免胄夕息常負戈苦哉遠征人

撫心悲如何

### 苦寒行

北遊幽朔城涼野多險難

五臣作艱

俯入窮谷底仰陟高山

盤凝冰結重礧積雪被長巖陰雲興巖側悲風鳴樹端

不覩白日景但聞寒鳥喧

一作  
唯

猛虎憑林嘯玄猿臨岸

歎夕宿喬木下慘愴恒鮮歡渴飲堅冰漿飢待零露餐

離思固已久

一作  
矣

寤寐莫與言劇哉行役人慊慊恒苦

寒

### 豫章行

汎舟清川渚遙望高山陰川陸殊塗軌懿親將遠尋三  
荆歡同株四鳥悲異林樂會良自古悼別豈獨今寄世

將幾何日是無停陰前路既已多後塗隨年侵促促薄  
暮景疊疊鮮克禁曷為復以茲曾是懷苦心遠節嬰物  
淺近情能不深行矣保嘉福景絕繼以音

長安有狹邪行

伊洛有岐路岐路交朱輪輕蓋承華景騰步躡飛塵鳴  
玉豈樸儒憑軾皆俊民烈心厲勁秋麗服鮮芳春余本  
倦遊客豪彥多舊親傾蓋承芳訊欲鳴當及晨守一不  
足矜岐路良可遵規行無曠迹矩步豈逮人投足緒已

爾四時不必循將遂殊塗軌要子同歸津

塘上行

江籬生幽渚微芳不足宣被蒙風雲會移居華池邊發  
藻玉臺下垂影滄浪泉露潤既已渥結根與且堅四節  
逝不處繁華難久鮮淑氣與時殞餘芳隨風捐天道有  
遷易人理無常全男權智傾愚女愛哀避妍不惜微軀  
還但懼一作數蒼蠅前願君廣末光照妾薄暮年

折楊柳

邈矣垂天景壯哉奮地雷豐隆豈久響華光但西隕日  
落似有竟時逝恒若催仰悲朗月運坐觀旋蓋迴盛門  
無再入衰房莫苦聞人生固已短出處鮮為諧慷慨惟  
昔人興此千載懷升龍悲絕處葛藟變條枚寤寐豈虛  
歎曾是感與摧弭意無足歡願言有餘哀

飲馬長城窟行

驅馬陟陰山山高馬不前往問陰山侯勁虜在燕然戎  
車無停軌旌旆屢徂遷仰憑積雪巖俯涉堅冰川冬來

秋未反去家邈以縣獫狁亮未夷征人豈徒旋末德爭  
先鳴山器無兩全師克薄賞行軍沒微軀捐將遵甘陳  
迹收功單于旃振旅勞歸士受爵葉街傳

門有車馬客行

門有車馬客駕言發故鄉念君久不歸濡跡涉江湘投  
袂赴門塗攬衣不及裳拊膺攜客泣掩淚叙溫涼借問  
邦族間惻愴論存亡親友多零落舊齒皆彫喪市朝忽  
遷易城闕或丘荒墳壘日月多松柏鬱芒芒天道信崇

替人生安得長慷慨惟平生俛仰獨悲傷

權歌行

遲遲暮春日天氣柔且嘉元吉隆初已濯穢遊黃河龍  
舟浮鷁首羽旗垂藻葩乘風宣飛景逍遙戲中波名謳  
激清唱榜人縱一作從棹歌投綸沈洪川飛繳入紫霞

太山吟

太山一何高迢迢造天庭峻極周已遠曾雲鬱冥冥梁  
甫亦有館蒿里亦有亭幽塗延萬鬼神房集百靈長吟

太山側慷慨激楚聲

梁甫吟

玉衡既已驂羲和若飛凌四運循環轉寒暑自相承冉  
冉年時暮迢迢天路微招搖東北指大火西南昇悲風  
無絕響玄雲互相仍豐冰憑川結零集作寒露彌天凝年

命時相逝慶雲鮮克乘履信多愆期思順焉足憑慷慨  
臨川響非此孰為興哀吟梁甫巔慷慨一作歎息獨拊膺

東武吟行



投跡短世間高步長生闌濯髮冒雲冠浣

一作洗

身被羽

衣飢從韓衆餐寒就佚女棲

班婕妤

一作婕妤怨

婕妤去辭寵淹留終不見寄情在玉階託意惟團扇春

苔暗階除秋草蕪高殿黃昏

集作昏黃

履綦絕愁來空雨面

駕言出北闕行

按藝文類聚題下有驅車上東門五字然則此擬作也

駕言出北闕躑躅遵山陵長松何鬱鬱丘墓互相承念

昔祖歿子悠悠不可勝安寢重冥廬天壤莫能興人生  
何所促忽如朝露凝辛苦百年間戚戚如履冰仁知亦  
何補遷化有明徵求仙鮮克仙太虛不一作安可凌良會  
罄美服對酒宴同聲

君子有所思行

命駕登北山延佇望城郭塵里一何盛街巷紛漠漠甲  
第崇高閨洞房結阿閣曲池何湛湛清川帶華薄邃宇  
列綺窓蘭室接羅幕淑貌色斯升哀音承顏作人生誠

行邁容華隨年落，善哉膏粱士營生。與且博宴安消靈，  
根燭毒不可恪。無以肉食資取笑，葵葵與藿。

悲哉行

游客芳春林，春芳傷客心。和風飛清響，鮮雲垂薄陰。蕙  
草饒淑氣，時鳥多好音。翩翩鳴鳩羽，喈喈倉庚音。

五臣作吟

幽蘭盈通谷，長秀被高岑。女蘿亦有託，蔓葛亦有尋。傷  
哉客遊士，憂思一何深。目感隨氣草，耳悲詠時禽。寤寐  
多遠念，緬然若飛沈。願託歸風響，寄言遺所欽。

齊謳行

營丘負海曲沃野與且平洪川控河濟崇山入高冥東  
被姑尤側南界聊攝城海物錯萬類陸產尚千名孟諸  
吞楚夢百二倂秦京惟師恢東表桓后定周傾天道有  
迭代人道無久盈鄙哉牛山歎未及至人情與鳩苟已  
徂吾子安得停行行將復去長存非所營

吳趨行

楚妃且勿歎齊娥且莫謳四坐並清聽聽我歌吳趨吳

趨自有始

一作紀

請從閭門起閭門何戔戔

集作差戔

飛閣跨

通波重藥承游極回軒啓曲阿藹藹慶雲被泠泠祥風

過山澤多藏育土風清且嘉泰伯導仁風仲雍揚其波

穆穆延陵子灼灼光諸華王迹隕陽九帝功興四遐大

皇自富春矯手

樂府作首

頊世羅邦彥應運興粲若春林葩

屬城咸有士吳邑最為多八族未足侈四姓實名家文

德熙淳懿武功俾山河禮讓何濟濟流化自滂沱淑美

難窮紀商摧為此歌

前緩聲歌

游僊聚靈族高會層城阿長風萬里舉慶雲鬱嵯峨宓  
妃興洛浦王韓起太華北徵瑤臺女南要湘川娥肅肅  
宵駕動翩翩翠蓋羅羽旗棲瓊鸞玉衡叶鳴和太容揮  
高絃洪崖發清歌獻酬既已周輕舉乘紫霞總轡扶桑  
枝濯足湯一作賜谷波清輝溢天門垂慶惠皇家

吳趨行

此首及飲酒樂府不載名氏次陸機之詩詩彙作機詩

璽滿蓋重簾唯有遠相思藕葉清朝釧何見早還時

飲酒樂

飲酒須飲多人生能幾何百年須受樂莫厭管弦歌

董逃行

以下  
六言

和風習習薄林柔條布葉垂陰鳴鳩拂羽相尋倉庚喈  
喈弄音感時悼逝傷心○日月相追周旋萬里倏忽幾  
年人皆冉冉西遷盛時一往不還慷慨乖念悽然○昔  
為少年無憂常悵秉燭夜遊翩翩宵征何求于今知此  
有由但為老去年邁○盛固有衰不疑長夜冥冥無期

何不驅馳及時耶樂永日自怡齊此遺情何之。人生  
居世為安豈若及時為歡世道多故萬端憂慮紛錯交  
顏老行及之長歎

上畱田行

嗟行人之藹藹駿馬陟原風馳輕舟汎川雷邁寒徃暑  
來相尋零雪霏霏集宇悲風徘徊入襟歲華冉冉方除  
我思纏綿未紓感時悼逝悽如

飲酒樂

樂府作還臺樂  
謂陳陸瓊詩誤



清菊四時芳醇瑠璃千鍾舊賓夜飲舞遲銷燭朝醒弦  
促催人春風秋月恒好驩醉日月言新

燕歌行

七言

四時代序逝不追寒風習習落葉飛蟋蟀在堂露盈墀

一作

念君客遠

一作

遊常苦悲君何緬然久不歸賤妾悠

悠心無違白日既沒明燈輝夜

一作寒

禽赴林匹鳥棲雙

鳩關關宿河湄憂來感物涕不晞非君之念思為誰別

日何早會何遲

欽定四庫全書

古詩紀  
卷三十四

十三

猛虎行

以下  
雜言

渴不飲盜泉水熱不息惡木陰惡木豈無枝志士多苦心  
整駕肅時命杖策將遠尋飢食猛虎窟寒棲野雀林  
日歸功未建時往歲載陰崇雲臨岸駭鳴條隨風吟靜  
言幽谷底長嘯高山岑急絃無懦響亮節難為音人生  
誠未易曷云開此衿眷我耿介懷俯仰愧古今

鞠歌行

序曰按漢宮閭有含章鞠室靈芝鞠室後漢馬防第

宅卜臨道連閣通池鞠城彌於街路鞠歌將謂此也  
又東阿王詩連騎擊壤或謂蹴鞠乎三言七言雖奇  
寶名器不遇知己終不見重願逢知己以託意焉

朝雲升應龍攀乘風遠遊騰雲端鼓鐘歇豈自歡急絃  
高張思和彈時希值年夙愆循已雖易人知難王陽登  
貢公歡罕生既沒國子歎嗟千載豈虛言邈矣遠念情  
愴然

順東西門行

出西門望天庭陽谷既虛崦嵫盈感朝露悲人生逝者  
若斯安得停桑樞戒蟋蟀鳴我今不樂歲聿征迨未暮  
及時平置酒高堂宴友生激朗笛彈哀箏取樂今日盡  
歡情

日重光行

日重光柰何天迴薄日重光冉冉其遊如飛征日重光  
今我日華華之盛日重光倏忽過亦安停日重光盛往  
衰亦必來日重光譬如四時固恒相催日重光惟命有

分可營日重光但一作常惆悵才志日重光身沒之後無  
遺名

月重輪行

人生一時月重輪盛年安可持月重輪吉凶倚伏百年  
莫我與期臨川曷悲悼茲去不從肩月重輪功名不勛  
之善哉古人揚聲數聞九服身名流何穆既自才難既  
嘉運亦易愆俛仰行老存沒將何所觀志士慷慨獨長  
歎獨長歎

百年歌十首

一十時顏如舜華  
暉有暉體如飄風  
行如飛變彼孺子  
相追隨終朝出遊  
薄暮歸六情逸豫  
心無違清酒漿炙  
柰樂何清酒漿炙  
柰樂何

二十時膚體彩澤  
人理成美目淑貌  
灼有榮被服冠帶  
麗且清光車駿馬  
遊都城高談雅步  
何盈盈清酒漿炙  
柰樂何清酒漿炙  
柰樂何

三十時行成名立  
有令聞力可扛鼎  
志干雲食如漏卮

氣如熏辟家觀國綜典文高冠素帶煥翩紛清酒漿炙  
柰樂何清酒漿炙柰樂何

四十時體力克壯志方剛跨州越郡還帝鄉出入承明  
擁大璫清酒漿炙柰樂何清酒漿炙柰樂何

五十時荷旄仗節鎮邦家鼓鐘嘈囋趙女歌羅衣絳粲  
金翠華言笑雅舞相經過清酒漿炙柰樂何清酒漿炙  
柰樂何

六十時年亦耆艾業亦隆駉駕四牡入紫宮軒冕婀娜

翠雲中子孫昌盛家道豐清酒漿炙柰樂何清酒漿炙  
柰樂何

七十時精爽頗損膂力憊清水明鏡不欲觀臨樂對酒

轉無歡攬形

集作衣

羞

集作備

髮獨長歎

八十時明已損目聰去耳前言徃行不復紀辭官致祿  
歸桑梓安車駟馬入舊里樂事告終憂事始

九十時日告耽瘁月告哀形體雖是志意非言多謬誤  
心多悲子孫朝拜或問誰指景玩日慮安危感念平生



淚交揮

百歲時盈數已登肌肉單四支百節還相患目苦濁鏡  
口垂涎呼吸頻蹙反側難茵褥滋味不復安

草  
強  
中  
寶  
寶  
寶

古詩紀卷三十四

欽定四庫全書

集部

古詩紀卷三十五

詳校官檢討

臣德生

侍讀臣孫球覆勘

總校官知縣

臣

楊懋珩

校對官中書

臣

李斯咏

謄錄監生

臣朱

坦

欽定四庫全書

古詩紀卷三十五

明 馮惟訥 撰

晉第五

陸機二

詩

皇太子宴玄圃宣猷堂有令賦詩

三正迭紹洪聖啓運自昔哲王先天而順羣辟崇替降  
及近古黃暉既渝素靈承祐乃眷斯顧祚之宅土三后

始基世武丕承協風旁駭天晷仰澄渟曜六合皇慶攸  
興自彼河汾奄齊七政時文惟晉世篤其聖欽翼昊天  
對揚成命九區克咸謳歌以詠皇上纂隆經教弘道于  
化既豐在工載考俯釐庶績仰荒大造儀刑祖宗安綏  
天保篤生我后克明克秀體輝重光承規景數茂德淵  
冲天姿玉裕叢爾小臣邈彼荒遐弛厥負擔振纓承華  
匪願伊始惟命之嘉

皇太子賜讌詩

明明隆晉茂德有赫思媚上帝配天光宅誕育皇儲儀  
刑在昔徽言時宣福祿來格勞謙降貴肆敬下臣肇彼  
先驅翻成嘉賓

贈馮文罷遷斥丘令

八章

於皇聖世時文惟晉受命自天奄有黎獻閭閻既闢承  
華再建明明在上有集惟彥

奕奕馮生哲問允迪天保定子靡德不鑠邁心玄曠矯  
志崇邈遵彼承華其容灼灼

嗟我人斯戢翼江潭有命集止翻飛自南出自幽谷及爾同林雙情交暎遺物識心

人亦有言交道寔難有類者弁千載一彈今我與子曠世齊歡利斷金石氣惠秋蘭

羣黎未綏帝用勤止我求明德肆于百里僉曰爾諧俾民足紀乃眷北徂對揚帝祉

疇昔之遊好合纏綿借曰未給

五臣作洽

亦既三年居陪華

幄出從朱輪方驥齊鑣比迹同塵

之子既命四牡項領遵塗遠蹈騰軌高騁慶雲扶質清  
風承景嗟我懷人其邁惟永

否泰有

善作  
苟

殊窮達有違及子春華後爾秋暉逝將去

我陟彼朔隴非子之念心孰為悲

答賈謐

十一章

并序

余昔為太子洗馬魯公賈長淵以散騎常侍侍東宮  
積年余出補吳王郎中令元康六年入為尚書郎魯  
公贈詩一篇作此詩答之云爾



伊昔有皇肇濟黎烝先天創物景命是膺降及羣后迭  
毀迭興邈矣終古崇替有徵

在漢之季皇綱幅裂大辰匿暉金虎曜質雄臣馳驚義  
夫赴節釋位揮戈言謀王室

王室之亂靡邦不泯如彼隆景曾不可振乃眷三哲俾

乂斯民啓土雖

一作綏

難改物承天

爰茲有魏即宮天邑吳寶龍飛劉亦岳立干戈載揚俎  
豆載戢民勞師興國玩凱入

天厭霸德皇祚告豐獄訟違魏謳歌適晉陳留歸蕃我  
皇登禪庸岷嶷稽顙三江改獻

赫矣隆晉奄宅率土對揚天人有秩斯祜惟公太宰光  
翼二祖誕育洪胄纂戎于魯

東朝既建淑問戔戔我求明德濟同以和魯公戾止袞  
服委蛇思媚皇儲高步承華

昔我逮茲時惟下僚及子棲遲同林異條年殊志比服  
舛義稠游跨三春情固二秋

祇承皇命出納無違往踐蕃朝來步紫微升降祕閣我  
服載暉孰云匪懼仰肅明威

分索則易攜手實難念昔良遊茲焉永歎公之云感貽  
此音翰蔚彼高藻如玉如蘭

惟漢有木曾不踰境惟南有金萬邦作詠民之胥好狷  
狂厲聖儀刑在昔予聞子命

贈弟士龍

十章 見陸士龍  
集題曰兄平原贈

余弱年夙孤與弟士龍銜卹喪庭續會逼王命墨經

即戎時並紫髮悼心告別漸厯八載家邦顛覆凡厥  
同生彫落殆半收迹之日感物興哀而龍又先在四  
時迫當祖載二昆不容逍遙銜痛東徂遺情西慕故  
作是詩以寄其哀苦焉

於穆予宗稟精東嶽誕育祖考造我南國南國克靖實  
繇洪績惟帝念功載繁其錫其錫維何玄冕衮衣金石  
假樂旄鉞授威匪威是信稱平遠德奕世台衡扶帝紫  
極

篤生三昆克明克俊遵塗結轍承風襲問帝曰欽哉纂  
戎列祚雙組式帶綬章載路即命荆楚對揚休顧肇敏  
厥績武功聿舉烟煴芳素綢繆江潏昊天不弔胡寧棄  
予

嗟予人斯胡德之微闕彼遺軌則此頑違王事匪監旂  
旆屢振委籍舊戈統厥征人祈祈征人載肅載閑駸駸  
戎馬有關有翰昔子翼考惟斯伊撫今予小子繆尋末  
緒

有命自天崇替靡常王師乘運席卷江湘闕守守

從武臣守局下列譬彼飛塵洪波雷擊與衆同泯顛跋

西夏收迹舊京俯慚堂構仰悵藝文類聚作惟先靈孰云忍愧

寄之我情

伊我後弟咨爾士龍懷襲瑰瑋播殖清風非德莫勤非

道莫宏垂翼東畿耀穎名邦綿綿洪統非爾孰崇依依

同生恩篤情結義存並濟胡樂之悅願爾偕老攜手黃

髮

昔我西征扼腕川湄掩涕卽路耀袂長辭六龍促節逝  
不我待自往迄茲曠年八祀悠悠我思非爾焉在昔並  
垂髮今也將老銜哀茹戚契濶充飽嗟我人斯胡卹之  
早

天步多艱性命難誓常懼隕斃孤魂殊裔存不阜物沒  
不增壤生若朝風死猶絕景視彼浮遊方之僑客眷此  
黃廬譬之斃宅匪身是玄亮會伊惜其惜伊何言紆其  
思其思伊何悲彼曠載

出車戒塗言告言歸  
蓐食驚駕夙興宵馳  
濛雨之陰炤月之輝  
陸陵峻坂川越洪漪  
爰屆爰止步彼高堂  
失爾羽邁良願中荒  
我心永懷匪悅匪康

昔我斯逝兄弟孔仁  
今我来思或彫或疚  
昔我斯逝族有餘榮  
今我来思堂有哀聲  
我行其道鞠為茂草  
我履其房物存人亡  
拊膺涕泣血淚彷徨

企佇朔路言送爾歸  
心存言宴日想容輝  
迫彼窳窳載驅東路  
繼其桑梓肆力丘墓  
婉兮孌兮興懷罔極  
眷言



顧之使我心惻

贈潘尼

廣文選作  
贈潘岳

水會于海雲翔于天道之所混孰後孰先及子雖殊同  
升太玄舍彼玄冤襲此雲冠遺情市朝永志丘園靜猶  
幽谷動若揮蘭

答潘尼

集作答  
潘岳

於穆同心如瓊如林我東日徂來餞其琛彼美潘生實  
綜我心探我玉懷疇爾惠音

贈馮文羆

以下  
五言

昔與二三子游息承華南  
拊翼同枝條翻飛各異尋  
苟無凌風翮徘徊守故林  
慷慨誰為感願言懷所欽  
發軔清洛汭驅馬大河陰  
佇立望朔塗悠悠迥且深  
分索古所悲志士多苦心  
悲情臨川結苦言隨風吟  
愧無雜佩贈良訊代兼金  
夫子茂遠猷款誠寄惠音

於承明作與弟士龍

牽世嬰時網駕言遠徂徂  
征飲餞豈異族親戚弟與兄  
婉

嬾居人思紆鬱遊子情明發遺安寐晤言涕交纓分途  
長林側揮袂萬始亭佇眄要遐景傾耳玩餘聲南歸憇  
永安北邁頓承明永安有昨軌承明子棄予俯仰悲林  
薄慷慨含辛楚懷往歡絕端悼來憂成緒感別慘舒翮  
思歸樂遵渚

贈弟士龍

行矣怨路長起焉傷別促指途悲有餘臨觴歡不足我  
若西流水子為東峙岳慷慨逝言感徘徊居情育安得

攜手俱契濶成駢服

贈尚書郎顧彥先二首

大火貞朱光積陽熙自南望舒離金虎屏翳吐重陰淒  
風迺時序苦雨遂成霖朝游忘輕羽夕息憶重衾感物  
百憂生纏綿自相尋與子隔蕭牆蕭牆阻且深形影曠  
不接所托聲與音音聲日夜濶何用慰吾心

朝游遊層城夕息旋直廬迅雷中宵激驚電光夜舒玄  
雲拖朱閣振風薄綺疏豐注溢修雷潢潦浸階除停陰

結不解通衢化為渠沈稼湮梁賴流民泝荆徐眷言懷  
桑梓無乃將為魚

贈顧交趾公貞

顧侯體明德清風肅已邁發迹翼藩后改授撫南裔伐  
鼓五嶺表揚旌萬里外遠績不辭小立德不在大高山  
安足凌巨海猶縈帶惆悵瞻飛駕引領望歸旆

答張士然

潔身躋秘閣秘閣峻且玄終朝理文案薄暮不遑眠

善作

睽  
駕言巡明祀致敬在祈年逍遙春王圃

五臣作圃

躑躅千

畝田迴渠繞曲陌通波扶直阡嘉穀垂重穎芳樹發華  
顛余固水鄉士總轡臨清淵戚戚多遠念行行遂成篇

### 贈從兄車騎

孤獸思故藪離鳥悲舊林翩翩游宦子辛苦誰為心  
髣髴谷水陽婉孌崑山陰營魄懷茲土精爽若飛沈寤寐  
靡安豫願言思所欽感彼歸途艱使我怨慕深安得忘  
憂草言樹肯與襟斯言豈虛作思鳥有悲音

為顧彥先贈婦二首

辭家遠行游悠悠三千里京洛多風塵素衣化為緇修  
身悼憂苦感念同懷子隆思亂心曲沈歡滯不起歡沈  
難克興心亂誰為理願假歸鴻翼翻飛游江沱

東南有思婦長歎充幽閨借問歎何為佳人眇天末游  
宦久不歸山川修且濶形影參商乖音息曠不達離合  
非有常譬彼絃與筈願保金石軀慰妾長飢渴

為陸思遠婦作

二合兆嘉偶女子禮有行潔已入德門終遠母與兄如  
何耽時寵游宦忘歸寧雖為三載婦顧景媿虛名歲暮  
饒悲風洞房涼且清拊枕循薄質非君誰見榮離君多  
悲心寤寐勞

集作動

人情敢忘桃李陋側想瑤與瓊

為周夫人贈車騎

外編作陸雲者非

碎碎織細練為君作縞縞君行豈有顧憶君是妾夫昔  
者得君書聞君在高平今時得君書聞君在京城京城  
華麗所璀璨多異人男兒多遠志豈知妾念君昔者與



君別歲律薄將暮日月一何速素秋墜湛露湛露何冉冉思君歲隨晚對食不能食臨觴不能飯

祖道畢雍孫劉邕仲潘正叔

皇儲延髦俊多士出幽遐適值一作遂時來運與子遊承

華執笏崇賢內振纓層城阿畢劉贊文武潘生蒞邦家感別懷遠人願言歎以嗟

赴洛二首

希世無高符營道無烈心靖端肅有命假楫越江潭親

友贈予邁揮淚廣川陰撫膺解攜手永歎結遺音無迹  
有所匿寂寞聲必沈肆目眇不及緬然若雙潛南望泣  
玄渚北邁涉長林谷風拂脩薄油雲翳高岑疊疊孤獸  
騁嚶嚶思鳥吟感物戀堂室離思一何深佇立慨我歎  
寤寐涕盈衿惜無懷歸志辛苦誰為心

羈旅遠遊宦託身承華側撫劍遵銅輦振纓盡祗肅歲

月一何易寒暑忽已革載離多悲心感物情悽惻慷慨

遺安豫

五臣作念

永歎廢寢

善作餐

食思樂樂難誘曰歸歸未

克憂苦欲何為纏綿胸與臆仰瞻凌霄鳥美爾歸飛翼  
赴洛道中作二首

總轡登長路嗚咽辭密親借問子何之世網嬰我身永  
歎遵北渚遺思結南津行行遂已遠野途曠無人山澤  
紛紆餘林薄杳阡眠虎嘯深谷底鷄鳴高樹巔哀風中  
夜流孤獸更我前悲情觸物感沈思鬱纏綿佇立望故  
鄉顧影懷自憐

遠遊越山川山川脩且廣振策陟崇丘安轡遵平莽夕

息抱影寐朝徂銜思徃頓轡倚高巖側聽悲風響清露  
墜素輝明月一何朗撫枕不能寐振衣獨長想

吳王郎中時從梁陳作

在昔蒙嘉運矯迹入崇賢假翼鳴鳳條濯足升龍淵玄

冤無醜士治服使我妍輕劍拂鞶厲

五臣作厲

長纓麗且鮮

誰謂伏事淺契濶踰三年薄言肅後命改服就藩臣夙  
駕尋清軌遠遊越梁陳感物多遠念慷慨懷古人

擬行行重行行

悠悠行邁遠戚戚憂思深此思亦何思思君微與音音  
徽日夜離緬邈若飛沈王鮪懷河岫晨風思北林遊子  
眇天末還五臣作遠期不可尋驚飈褰反信歸雲難寄音佇  
立想萬里沈憂萃我心攬衣有餘帶循形不盈衿去去  
遺情累安處撫清琴

擬今日良宴會

閒夜命懽友置酒迎風館齊僮梁甫吟秦娥張女彈哀  
音繞棟宇遺響入雲漢四座咸同志羽觴不可算高談

一何綺蔚若朝霞爛人生無幾何為樂常苦宴譬彼伺  
晨鳥揚聲當及旦曷為恒憂苦守此貧與賤

擬迢迢牽牛星

昭昭清漢輝粲粲光天步牽牛西北迴織女東南顧華  
容一何冶揮手如振素怨彼河無梁悲此年歲暮跂彼  
無良緣睨焉不得度引領望大川雙涕如霑露

擬涉江采芙蓉

上山采瓊蕊窮谷饒芳蘭采采不盈掬悠悠懷所歡故

鄉一何曠山川阻且難沈思鍾萬里躑躅獨吟歎

擬青青河畔草

靡靡江離草

一作  
熠熠

生河側皎皎彼姝女阿那當軒

織粲粲妖容姿灼灼美顏色良人遊不歸偏棲獨隻翼  
空房來悲風中夜起歎息

擬明月何皎皎

安寢北堂上明月入我牖照之有餘輝攬之不盈手涼  
風繞曲房寒蟬鳴高柳踟躕感節物我行永已久游宦

會無成離思難常守

擬蘭若生朝陽

嘉樹生朝陽凝霜封其條執心守時信歲寒終不彫美人何其曠灼灼在雲霄隆想彌年月長嘯入飛颺引領望天末譬彼向陽翹

擬青青陵上柏

冉冉高陵蘋習習隨風翰人生當幾時譬彼濁水瀾戚戚多滯念置酒宴所歡方駕振飛轡遠遊入長安名都



一何綺城闕鬱盤桓飛閣纓虹帶層臺冒雲冠高門羅  
北闕甲第椒與蘭俠客控絕景都人駢玉軒遨遊放情  
願慷慨為誰歎

擬東城一何高

古詩曰東城高且長

西山何其峻層曲鬱崔嵬零露彌天墜蕙葉憑林哀寒  
暑相因襲時逝忽如頽三閭結飛轡大壑嗟落暉曷為  
牽世務中心若有違京洛多妖麗玉顏倂瓊蕤閒夜撫  
鳴琴惠音清且悲長歌赴促節哀響逐高徽一唱萬夫

歎再唱梁塵飛思為河曲鳥雙游澧水湄

擬西北有高樓

高樓一何峻迢迢

善作苦

峻而安綺窓出塵冥飛陞躡雲

端佳人撫琴瑟纖手清且閒芳氣隨風結哀響馥若蘭

玉容誰能

五臣作得

顧傾城在一彈佇立望日是躑躅再三

歎不怨佇立久但願歌者歡思駕歸鴻羽比翼雙飛翰

擬庭中有奇樹

歡友蘭時往迢迢匿音徽虞淵引絕景四節逝若飛芳

艸久已茂佳人竟不歸  
躑躅遵林渚惠風入我懷  
感物戀所歡采此欲貽誰

擬明月皎夜光

歲暮涼風發昊天肅明明  
招搖西北指天漢東南傾  
朗月照閒房蟋蟀吟戶庭  
翻翻歸鴈集嚙嚙寒蟬鳴  
疇昔同宴友翰飛戾高冥  
服美改聲聽居愉遺舊情  
織女無機杼大梁不架楹

招隱詩

明發心不夷振衣聊躑躑躑欲安之幽人在浚谷朝  
采南澗藻夕息西山足輕條象雲構密葉承翠幄激楚  
佇蘭林回房薄秀木山溜何泠泠飛泉激鳴玉哀音附  
附音靈波頽響赴曾曲至樂非有假安事澆淳樸富貴  
苟難圖稅駕從所欲

遨遊出西城

遨遊出西城按轡循都邑逝物隨節改時風肅且熠遷  
化有常然盛衰自相襲靡靡年時改冉冉老已及行矣

勉良圖使爾修名立

園葵詩二首

種葵北園中葵生鬱萋萋朝榮東北傾夕穎西南晞零  
露垂鮮澤朗月耀其輝時逝柔風戢歲暮商焱飛曾雲  
無溫液嚴霜有凝威幸蒙高墉德玄景蔭素蕤豐條並  
春盛落葉後秋哀慶彼晚彫福忘此孤生悲

翩翩晚彫葵孤生寄北蕃被蒙覆露惠微軀後時殘庇  
足周一智生理各萬端不若聞道易但傷知命難

贈波丘令馮文羆

以下  
闕文

夙駕出東城送子臨江曲  
密席接同志羽觴飛鄣淥  
登樓望峻陂時逝一何速

贈顧彥先

清夜不能寐悲風入我軒  
立影對孤軀哀聲應苦言

贈紀士

瓊瓌俟豐價窈窕不自鬻  
有美蛾眉子惠音清且淑  
修姱協姝麗華顏婉如玉

贈潘正叔

過蒙時來運與爾遊承華執笏崇賢內振纓曾城阿

招隱二首

駕言尋飛遯山路鬱盤桓芳蘭振蕙葉玉泉涌微瀾嘉  
卉獻時服靈術進朝食

尋山求逸民穹谷幽且遐清泉溢玉渚文魚躍中波

尸鄉亭

詩彙作顏  
之推者非

東遊觀鞏洛道遙丘墓間秋草漫長柯寒水入雲烟發

軫有夙宴息駕無愚賢

三月三日

遲遲暮春日天氣柔且佳元吉隆初已濯穢遊黃河

春詠

亦見鮑明遠集

節運同可悲莫若春氣甚和風未及燠遺涼清且凜

詠老

軟顏收紅蘂玄鬢吐素華冉冉逝將老咄咄索老何



古詩紀卷三十五